

HE HUIWHAKAPUARETANGA WHARE KARAKIA.

“...Ko matou ko nga tangata o tenei Takiwa ka tono atu kia koe, kia whakatapua tenei Whare Karakia, hei whakaho-nore hei whakakororia ki te Atua a hei tohu whakamahara-tanga hoki ki o matou Matua Tupuna i puritia ai te Whaka-pono, ka huaina tona ingoa ko TE HUNGA TAPU.”

Ka pau katoa i roto i enei korero i runga ake nei nga ahu-atanga katoa i whakapakari ai era hapu o Te Aupouri, Te Rarawa, me Ngatikahu, ki te whakaara i to ratou Whare Kara-kia, ara te hapu nei a Te Patukoraha. He nui te wahkamihī o te hunga i tae ki tenei Hui mo tera Whare Karakia no te Maori i oti pai te Whare me ona mea katoa o roto, a i noho ea tenei Whare me ona mea katoa i mua o te whakapuaretanga. Kia Ora ano koutou Te Patukoraha mo ta koutou Taonga ataahua, kua whakaarahia na e koutou hei tohu whakamahara-tanga ki o koutou Matua Tupuna. Na reira mauria, whka-whanuitia hoki te Taonga a o koutou Matua Tupuna i roto i enei ra.

No te Rahoroi te 27 o nga ra o Hepetema, ka eke nga iwi ki te marae i Kareponia. Ko te marae kei raro kei te ma-nia, ko te Whare Karakia e tu iho ana i runga i te maunga. Ao ake i te ratapu, i te haora i whakaritea ai, ka kake nga iwi katoa ki runga ki te maunga. Tino nui te tangata, kahore i ahei kia uru ki roto i te Whare Karakia. Ka whakaritea ko te Karakia Whakatapu me whakahaere ki waho, ka mutu tera ka hou ai nga tangata tango Hapa ki roto i te Whare, ka whakatakotoria te Hapa Tapu. Na Kenana Keretene i whaka-haere te Karakia Whakatapu. Ko nga Minita i reira ko Rev. Trill, Minita Pakeha o Kaitaia, ko Revs. H. M. Paerata. A. Paerata, H. W. Kaipo. Mutu Kapa. H. Paraone. H. Taurau. W. N. Panapa. Ko nga Mangai Reimana ko R. P. Kingi, Pe-reiha Tauhara, Pene Ngatote, Eru Ihaka, Henare K. Waiaua, Wairama Maihi. Herepete Rapihana me etahi atu. Ka mutu te Karakia Whakatapu i waho, ka tomokia te Whare e nga Minita, nga Mangai Reimana, me nga tangata tango Hapa, a ka whakatakotoria te Hapa Tapu ma ratou.

I te toru o nga haora i te ahiahi, ka hui katoa ano nga Minita me nga Mangai Reimana ki te Whare Karakia, a e rua nga tangata i raihanatia hei Kai-karakia mo te Takiwa o Oru-ru. Ka mutu te karakia o te po, ka tono nga iwi kia whaka-haerea nga Mahi a Te Komiti Tumuaki i tautu po. I tirohia e te Tumuaki o te Komiti ko te mea mama ki nga iwi, he mea hoki kua hinga katoa Te Aupouri, a Te Rarawa, a Ngatikahu ki te mahi i o ratou whenua i roto i enei ra. Ka noho te Hui a Te Komiti Tumuaki i tenei po.